

საკვების გეოგრაფია

შალვა აბრამიშვილი

ელ-ფოსტა: shakoabrami@gmail.com

გეოგრაფიის დეპარტამენტი, ზუსტ და საბუნებისმეტყველო მეცნიერებათა ფაკულტეტი,
ივანე ჯავახიშვილის სახელობის თბილისის სახელმწიფო უნივერსიტეტი,
ი. ჭავჭავაძის გამზირი 3, თბილისი, 0179, საქართველო

კულტურული ეკოლოგიის მთავარი სამიზნე არის ადამიანის მიერ შექმნილი სისტემების და ბუნების ურთიერთკავშირის შედეგის კვლევა. ეს ურთიერთკავშირი ყველაზე მკაფიოდ ჩანს სოფლისმეურნეობაში და ზოგადად ბუნებათსარგებლობაში. სოფლის მეურნეობის პირდაპირი ანარეკლი კი გახლავთ კულინარია. მსოფლიო სამზარეულო უაღრესად მრავალფეროვანია, ის იცვლება კლიმატის პირდაპირი თუ ირიბი გავლენით. საკვები უმთავრესია ადამიანის თვითგადარჩენისთვის. მსოფლიო გლობალური შიმშილის ზღვარზეა. რაციონის სწორად შერჩევა და მასზე დაფუძნებით შემუშავებული სოფლისმეურნეობის განვითარების სტრატეგია უმნიშვნელოვანესია. აღნიშნულ თემაში სწორედ ტრადიციული კულინარია გვინდა განვიხილოთ კულტურული ეკოლოგიის და გეოგრაფიის ჭრილში.